

BOSNA I HERCEGOVINA FEDERACIJA BOSNE I HERCEGOVINE FEDERALNA UPRAVA ZA INSPEKCIJSKE POSLOVE	BOSNIA AND HERZEGOVINA FEDERATION OF BOSNIA AND HERZEGOVINA FEDERAL DEPARTMENT FOR INSPECTION AFFAIRS	БОСНА И ХЕРЦЕГОВИНА ФЕДЕРАЦИЈА БОСНЕ И ХЕРЦЕГОВИНЕ ФЕДЕРАЛНА УПРАВА ЗА ИНСПЕКЦИЈСКЕ ПОСЛОВЕ
Fehima efendije Čurčića br.6. 71000 Sarajevo		Id broj: 4201159630005

Broj: 01-04-6-04370-8/2021
Sarajevo, 11.10.2021. godine

Na osnovu čl. 72. stav 3. i 89. stav 1. Zakona o javnim nabavkama Bosne i Hercegovine („Službeni glasnik BiH“, broj 39/14), Direktor Federalne uprave za inspeksijske poslove u ime ugovornog organa donosi,

O D L U K U

o dodjeli ugovora drugoplasiranom ponuđaču u postupku javne nabavke usuga osiguranja za 10 (deset) novonabavljenih službenih vozila Federalne uprave za inspeksijske poslove

I

Ugovor o nabavci usluga osiguranja od autoodgovornosti sa osiguranjem putnika od nezgode, ZK i potpuno kasko osiguranje za 10 (deset) novonabavljenih službenih vozila Federalne uprave za inspeksijske poslove po provedenom postupku konkurentskog zahtjeva uz primjenu e-aukcije, dodjeljuje se drugorangiranom ponuđaču „Adriatic osiguranje“ d.d. Sarajevo, pod sljedećim uslovima:

- ukupna cijena ponude: 8.575,70 KM;
- rok plaćanja je 30 dana od dana prijema fakture na protokol ugovornog organa u skladu sa budžetskim načinom plaćanja po cijenama ponuđenim u Aneksu 2 Tenderske dokumentacije-Obrazac za cijenu ponude;
- ugovor će se zaključiti na period od 1 (jedne) godine dana od dana zaključenja ugovora;
- usluge će se vršiti sukcesivno i po potrebi Ugovornog organa, u mjestu sjedišta ugovornog organa – Sarajevo.

II

U skladu sa članom 45. Zakona o javnim nabavkama BiH, ponuđač „Adriatic osiguranje“ d.d. Sarajevo je dužan ugovornom organu u roku od 5 (pet) dana od dana prijema ove odluke dostaviti:

- a) uvjerenje nadležnih institucija kojim se potvrđuje da je ponuđač izmirio svoje dospjele obaveze, a koje se odnose na doprinose za penziono i invalidsko osiguranje i zdravstveno osiguranje,
- b) uvjerenje nadležnih institucija kod kojeg je registrovan ponuđač kojim se potvrđuje da ponuđač nije predmet stečajnog postupka niti pod stečajem, odnosno da nije u postupku obustavljanja djelatnosti.
- c) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Dokumenti čije se dostavljanje zahtjeva prethodnim stavom ovog člana moraju biti originali ili ovjerene kopije i ne mogu biti stariji od 3 (tri) mjeseca računajući od dana dostavljanja ponude.

Ukoliko odabrani ponuđač ne dostavi naprijed tražene dokaze u ostavljenom roku, njegova ponuda će biti odbačena u skladu sa članom 45. stav (1) Zakona o javnim nabavkama BiH.

III

Ova odluka će se objaviti na web stranici Federalne uprave za inspeksijske poslove.

Obrazloženje

Nakon provedenog postupka javne nabavke usluga osiguranja od autoodgovornosti sa osiguranjem putnika od nezgode, ZK i potpuno kasko osiguranje za 10 (deset) novonabavljenih službenih vozila Federalne uprave za inspeksijske poslove po postupku konkurentskog zahtjeva uz primjenu e-aukcije, odlukom direktora Uprave broj 01-04-6-04370-6/2021 od 27.9.2021. godine ugovor je dodijeljen ponuđaču „Central osiguranje“ d.d. Sarajevo, čija ponuda sa ukupnom cijenom od 8.354,08 KM je ocijenjena najpovoljnijom.

Dana 05.10.2021. godine, aktom broj 001-1-2301/2021 navedeni ponuđač je obavjestio ovaj organ da odustaje od svoje ponude broj 001-1-2178/2021 od 20.9.2021. godine.

Članom 72. stav (3) tačka c) Zakona o javnim nabavkama je propisano: „Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač u pisanoj formi odbije dodjelu ugovora“.

Slijedom navedenog, a kako su odustajanjem od ponude od strane najpovoljnijeg ponuđača ispunjeni zakonski uvjeti da se ugovor dodijeli drugorangiranom ponuđaču, odlučeno je kao u tački I ove odluke.

Obzirom da drugorangirani ponuđač „Adriatic osiguranje“ d.d. Sarajevo u ponudi broj 132/21 od 15.9.2021. godine nije dostavio uvjerenja-potvrde nadležnih organa kojim se potvrđuje da ispunjava uvjete iz člana 45. Zakona o javnim nabavkama BiH (u skladu sa zahtjevima iz tenderske dokumentacije dostavio je ovjerene izjave na navedene okolnosti), tačkom II ove odluke je utvrđena obaveza dostavljanja istih.

Na osnovu naprijed navedenog, donesena je odluka kao u dispozitivu.

Pouka o pravnom lijeku:

Protiv ove odluke nije dozvoljena posebna žalba.



Dostaviti:

1. „Adriatic osiguranje“ d.d. Sarajevo, Trg Međunarodnog prijateljstva 20, 71000 Sarajevo
2. Sektor za materijalno – finansijske poslove
3. Sektor za tehničku podršku i plansko- analitičke poslove
4. Komisija za javne nabavke (a/a).